

懷古田舍詩節鈔

懷古田舍詩節鈔卷之五

漢軍徐 榮鐵孫

四月初十日去玉環遇颶風仍泊馬道

可但邦人解憶儂

所諸衿者贈之旗纛送行十五里直至海上

此都我亦惜

忽忽輿圖劃地東南海天意留人西北風禮樂有時關
世運耕漁無福與民同劇憐今夜中原夢仍在環山咫尺中

環山勝境詩二十三首

境在西城外里許西青嶺半余再往遊勒詩冢

銘於白龍湫下多景就人應接不暇誠勝地也
忽忽舍去嘗以未得賦詩爲憾守風無事觀玉
環志一時唱和甚多乃追和之

萬年藤

崢嶸北溪藤搖曳南溪雨開花常百丈結根自千古昔
見此山開今作此山主我生雖後君我語君記取期哉
滇池杖陋矣桂林鼓

雙鳳谿

雙鳳幾時去雙谿流至今皎皎冰玉色秋秋笙磬音西

來有竹嶼

地在樂清

東去知桐林

地在楚門

玉乳一枝碧綠雲千

畝陰何時語簫史攜伴遠相尋

玉蟾池

玉蟾出東斗迢遞緣青冥九州大瀛海齊首瞻娉婷如
何戀升斗于此潛其靈夜夜臥清波紛紛偕列星試取
烹茶水汲之歸一罇

天鷲沼

矰繳滿天地菰蒲誰固窮寧爲戲海驚不作遵陸雄頭
鷺北庭宴客烏南人弓從來禍機發卽在安樂中水石

幸明瑟偕君保微躬

翠雲窩

溫柔豈無鄉安樂亦有窩
白墮謝人事黃芽養天和
雲絮深自煖空花看更多
有時明月入弄影相婆娑
外人不知處金石聞高歌

珠簾島

羣峭架高广怪石標虛簷
森然水府開平視將毋嫌
鮫人獻珍珠磊落千萬奩
織成鰕須帳鉤以半月鏤
盈盈玉眞子曼坐方垂簾

蒲團破

翠石竦雙門乳泉開一鏡
水石初無心流峙各天性
藻間出團蒲明月正窺映
依依圓相現落落塵想淨
何當來跏趺一念泯凡聖

棋枰石

吾聞學道人最忌存機心
無絃美彭澤抱甕多漢陰
如何尋戰爭方郢陰謀深
石枰何年遺歲古莓苔侵
試教下一算門外西流駸

虬樹坡

虬樹出丹崖得地且雄據昂首忽上騰擎雲自昏曙當時張少霞乘此碧霄去俛仰幾千年偃蹇猶故處惆悵塵土身裴裊上真馭

龍骨澗

神龍何年謫一臥不復醒金鱗化流電玉骨黏浮萍紅泉洗愈潔白雲蟠尙腥至今風雨夜往往驚龍霆那得五丁斧鑄我靈節銘

瑯玕峽

竹中有高士奇節稱此君逸少尙不見餘子空慙慙我

來瑯玕峽蕭然遺世氛歎詠每終日長歌驚白雪翼逢
避世翁一證夙所聞

屈曲溪

一水欲東來羣山正西轉縱橫設石陣遠勢不得展出
檻乍奔騰逢崖復游衍鉤輈聞鳥語屈曲看蟲篆坐憶
土師言直道孰能免

搗藥臼

採藥無冬春藉以陶白日飛來克丁當勸試養生術聲
邀石琴和香并蘭叢溢遺臼存仙蹤世人豈能悉勿乞

草木靈吾身有真一

浴丹泉

粲粲大還丹赫如朝日鮮溫之硫黃火浴以朱砂泉仙人昔見賜白鹿蒼崖顛九轉既以盡一勺猶泠然餘芬逮雞犬勿使世人傳

石脊梁

水情石爲性性剛情則柔水血石爲骨骨立而水流君看石脊梁挺起清溪頭寸脉綰兩山一關鎖千秋世事須擔當勿爲兒女羞

釣鼈磯

吾聞任公子一釣連六鼈垂餌五十牂用心良亦勞可
憐壺嶠上羣真正遊遨三山金銀臺一旦傾波濤念此
且袖手悵悵迴漁篙

芝藥圃

芒屨倦登陟竹杖閒逍遙翠分八字水香過天生橋福
地無凡葩芝藥皆天喬金光露已茁黃金雪尤驕一食
毛羽生矯首瞻玉霄

白龍湫

卷五
三
我本羅浮人久夢黃龍瀑宦遊來玉環白龍亦馴伏常
年弄澎湃草木盡淒肅一派分天河三折灑銀竹我詩
葬其下終古煩洗沐

千仞岡

我欲振此衣恨無千仞岡今日是何日俯首視八荒前
有萬萬古此地龍蛇藏天風吹白日海色來蒼蒼來者
定何人誦詩知我狂

長歎臺

刁調信地籟四上皆人工宇宙有元音乃在寥泲中荒

唐著歎旨換羽而移宮天趣苟汨沒不如撫絲桐懷哉
蘇門山鸞鳳鳴天風

凝碧潭

深潭何澄泓嵐翠四包裹空明萬象集斜日一峰墮傳
聞水晶宮時有珊瑚朶水流本動機凝靜今則頗當邀
明月來無事此靜坐

太乙源

葉落當歸根水流則有源沂流歷險阻洗耳臨潺湲深
人不知處但聞白雲喧英英青蓮花流出天乙垣安知

無真人高坐斟化元

少霞洞

玉環海中山歧路四不通人言古三神卽是三盤中奇
哉張少霞被髮方兩瞳洞存遺蛻化爐在靈丹空吾家
卽兮叟來往將毋同

十九日發温州

別汝東甌北斗城勾畱十日作詩程聞鐘月證江心影
挂席風傳海上聲兩岸青山臨水直一雙白鳥破煙明
人生鴻雪蹤難定莫問重來感慨生

江漲

紅鱗欲鳥太慳生二十日來三日晴江漲漸看如海勢
灘高真欲擬山行孤篷破曉乘風上百丈牽雲與石爭
莫怪前溪名字異人間好惡忌分明

小荆

温州西四十里

卅里江程報小荆午天如畫判陰晴白雲不放山頭出
紅日斜侵雨腳明長路送人潮力倦高林畱客鳥聲清
溫溪西去千巖杳望斷青田半箇城

諺云處州十縣九無城只有青田半

箇城

二十日早至青田

臥聞邪許聲起坐問朝晴日照千山雨雲銜半月城樹
幽花未歇江濶漲初平根觸懷人意長天一鶴鳴

端木太鶴

青田人

二十一日曉起高筍灘

鶯聲破曉夢起問路如何轉轉青山裏朝來溼翠多灘
名鄉語誤地勝客途過羨煞巢居子全家老薜蘿
羣峰猶夜色高嶺已朝暉嵐嫩曉如沐雲閒晴未歸推
窗兩岸碧看瀑四山飛何必石門洞勞心方息機

破曉

日腳烘晴破曉纔風頭轉處一帆開垂雲欲接青山去
宿雨爭趨碧海來老我漸生行役感傍人猶作畫圖猜
前途枉說桃花嶺漫與詩篇嬾更裁

石門洞觀瀑布

羣青塞天密無縫十里方平開古洞攔腰截斷貫日虹
一白潺潺撼山動我行三過三艤舟初晴後凍縮濤頭
今來喜得十日雨上接天河天際流俛仰徘徊看不足
後浪前花遞相續乍搖海日散高紅忽捲天風洗寒綠

懷古詩集卷五
八
問君勞勞盍稍遲古今晝夜無停時奔趨入世有何事
啞然自笑初不知爲君闔卻石門去勸君只在深山住
世人來訪但聞名松密雲疎無覓處

小鐘灘

小鐘灘上水十里鼓春雷終古流難盡經時上不來濤
頭新雨助山背夕陽催長路船猶進高林鳥已回

二十二日早起發洪渡至臘口

臥愁洪渡雨一夜遠灘聲起認雲中塔遙知臘口營從
戎詩已舊作宦事何成借問重來客新添雪數莖

巖泉宿

蒼梧雲中嶺蓮花天半城西來溯甌水五十九灘聲新
雨農田足斜陽客路明巖泉尋舊句戎馬感東征辛丑春查
閩溫台海防會過此宿

二十三日發巖泉行六十里宿荆院

巖泉戒行李曉入雲端行山雲照海日炫爛不可名肩
輿續曉夢地底聞泉聲七年此三過再雨今方晴欣然
寄耳目花鳥皆多情

低田稻已蒔高壟諸亦長物土各有宜山頂松茶香布

地皆黃金勤惰隨所償作息偕婦子此樂未可量奈何
持鋤手僕僕走四方

轉轉山不窮行行路彌靜亦復見雞豚居然畫煙井理
亂渠不關清幽我同領桃源事虛無仇池絕人境從今
書隱淪但舉桃花嶺

東來布帛粟西去紙鐵茶斜行遠排雁細路高縈蛇辛
勤以終歲食力餘萬家教言苟勿犯良民誠可嗟貪愚
固本性我當恕疵瑕

三望

嶺名

騁遐矚坐見千山頭紛然各起伏駭浪方東流

風吹白雲過浩如汎虛舟微聞笙簫音恐是神仙游不知舟中人亦復見我不

餘嶺已崢嶸茭葑復軒翥千尋木合隘峯崿迴日馭過此幸平趨不爾天上去荆阮數十戶猶在雲背住夜夢排天門還鄉不知處

二十四日發荆阮行八十里宿裏溪

荆阮指裏溪青山八十里未曉戒僕夫人先白雲起涼添蛙語聞晴入鵲聲喜前峰影朦朧如墮春夢裏會見銅盤生千巖散紅紫

物生貴得地翠壁泉流涓接筧水跨水過溪灌山田疏
璦十畝地曉淥何芊芊可憐筧下溪雪花舞迴旋諒無
潤物功虛聲儘喧闐

我行縉雲溪三過大石橋問誰之所爲呂氏富不驕一
朝解犀帶萬古垂虹腰君看白玉欄倒影風中搖行人
誦高義口碑勝瓊瑤

北海與柯古先後守梧州溪名及山路輝映餘風流誰
憐李少溫屈此百里侯城隍有墓本原壁不可求欲訪
志歸臺窪樽山阻修

四月禾已綠家家出耘苗稍遲稂莠出烈日豈不驕旣
生恐不育旣育防其彫除害而壅根此理原昭昭吾徒
鹵莽學得毋此輩嘲

萬樹館頭嶺白晝青沈沈寒流抱山腳溪光篩綠陰行
人雜坐臥空腹談古今驕陽滿人間此地何由尋蕭然
忘行路恨少涼蟬吟

裏溪流屈蟠山行屢相遇乘春照花枝當午泛雲絮源
頭在何許憶我攀雲處問渠何所爲日夜流不住旁人
笑指似送汝杭州去

自此以西水入錢塘江

二十五日發襄溪行二十里入永康小舟行六十

里至楊樹灘泊

侵晨發荒店已有東來人貴賤皆有營耘時苦邨氓誰
能侈坐食人生實艱辛頗怪青草蛙高坐鳴聲噴遽曉
不得休閣閣知何因

三日山中行輿坐非步趨茶然歎腰腳逝者慙居諸誰
信疲朽骨當時千里駒永康得小舟昔賦螺寄居低頭
入篷底始復心神舒

蓮亭下灘塔屈曲塔下灘下水尙三轉上灘知幾盤容

膝寄歎歌浩然耳目寬
文石被沙汭雲錦何爛
嫵奚囊倦拔擇定有泥
塗歎

頭耘及時秧二耘方布
灰三耘去其水益以糞
壤肥膏

脈一相得輕花揚午暉

月大生長農家習其事舟中見出耘者爲余言如此

少年

事書劍晚蒙丈人譏請
學傳蠶室庶以娛南歸

飄風與驟雨亦知不崇
朝當其震蕩時得無慮
漂搖差喜聞篙聲蓬窗
答瀟瀟舟人慎不敗憤
鼓清溪橈甯聞華秋海
詎信錢塘潮

下水灘下眠上水灘上
住灘聲不同聽天風忽
引去乾

星初照土殘雨復鳴樹舟子起杙椿勞攘非一度涼夢
墮悠然誰能歎行路

二十六日發楊樹灘行七十里至金華又十五里
至小溪泊

逢雨引涼夢篙石驚曉眠不知夜何時已移樹根船窺
窗問前路但見空濛天江平受新水山遠蒙輕煙我行
無遲速卽物心悠然

驚風灑急雨截江生白雲孤篷繫深柳閉置絕見聞但
訝遠灘聲方排鷺鷥軍牀牀數新漏辛苦吾何云昨朝

戒行李山路方紛紜

來船上風開風利不得泊聯翩鴉銜尾宛轉蛇赴壑石
闕忽橫江乙乙乍前却我船方順流快若天際落何妨
讓一頭繫纜依石角

沈侯有名篇八詠乃其卑流傳亦有幸名與高樓齊曩
來未斷手今者輝雲霓頗憶登眺初目盡春流西畢然
想爲政風流今在茲

謂金華張
蘭臺太守

日落燈火出畫船繞蘭溪琵琶沸春雨歌急么絃低由
來鴛鴦隊不許容鳬鷺小溪復何有篷背聲淒淒猶能

傲田舍兩部官蛙齊

二十七日發小溪行四十五里至蘭溪易舟九十

里至嚴州泊

方甜穗石夢忽報蘭溪城船頭壓岸影篷背喧人聲東
南兩江合高下萬瓦明西來此劇邑貨殖通徽涇何必

需長才治以久道成

謂湯西
山明府

小舟束手足長沙僅迴旋忽如領大國易以江山船伸
腰一睡足黯黯斜陽天起問鼠埤塔已過黃盆川一事
稍自悔妨余紀行篇

徽江千里來東與，激水會循循展玉帛。終古郡城外，夕陽山色高雨餘。江光大南峰北峰，塔亭亭表芳靄古廟。倦追尋晚飯依淺瀨，望見七郎廟

二十八日發嚴州九十里過桐廬九十里過富陽
又四十里至漁山泊

舟夢不自覺，曉寒中薄衾。心知入瀧去，翠塞篷窗陰。釣臺豈舊迹，巉巖餘千尋。貴賤憶交道，徜徉生隱心。欲訪漁樵人，語我江湖襟。

皋羽從相君自附，弟子列千秋。朱鳥吟一擊，如意缺至

今西臺花猶凝杜鵑血悵望生古懷從游憶前轍茫茫

八閩路黯黯三衢別

曩送玉坡師赴閩從登釣臺

桐廬亦衝邑小聚餘萬家白瓦映青林古岸迴平沙會

計今如何山水古所誇清芬不暇訪高閣橫飛霞吾家

有名德尙想滄江槎

徐舫有滄江集

輕帆破煙雨來看富春山層雲湧壘嶂明鏡窺煙鬟花

明小隱宅樹繞陽陂灣長吟謝公句雲霧猶漫漫赤松

一以去鶴駕何時還

謝靈運詩定山緇雲霧赤松無淹薄

季漢炎靈頽餘光散草澤荒山種瓜人豈知三分桀雄

圖肇家修俠氣啓好客想見孫洲青孤映鶴飛白往事
無人談繫舟倚高石

二十九日發魚山行八十里至杭州

青山歷旅夢半夜驚潮頭東南石尤風吹沒蘆芽洲海
雨曉逾急江雲涼不收可憐鳳凰山遠在雲端浮迢迢
八十里望望增旅愁

人言西湖好西湖要不俗春風入明鏡晴翠漾寒淥二
年別魚鳥一逕想花竹芳期蘭荷過涼約荷菱續寄言

西山翁莫吝雞黍局

謂費崱
虛通守

兩年海中住看厭海上山卻思扇頭畫湖上窺煙鬟豈
知華秋海亦復思老頑晚來坎門潮闖入龕赭間移船
迎浪花中有別淚斑

漫興二首

自攜醜石壓艖艖來趁江南趙趙風猶剩夢魂畱海外
重溫笑語到湖中嘗新細揀茶槍雨話舊難尋燕足絨
檢點琴書掩關坐夕陽無語上簾櫳

生涯回首釣魚竿身世關心上水灘閉戶靜研三賦易
出門頻送五窮難馮諼未必長彈鋏馬援猶能老據鞍

聞道漢廷桑孔在莫將心計責儒官

以上節鈔
北調集

閉戶

閉戶蕭然絕送迎閒中幽趣有誰爭
上墻苔暈覘潮信
糝葉藤花誤雨聲
有用光陰供棄擲
無多邱壑寄平生
只愁雙髻欺人在鏡裏新添白數莖

悼燕卿

入世優曇一瞥纔相逢休更說瑤臺忽隨九玉釵梁去

曾帶泥金帖子來

丙申四月甫入門
而及第之報至

錦瑟絃高秋易斷

銀簫聲怨夜頻猜比鄰正好尋蘇小松栢西陵絕世才

葬之
湖上

送朱述之歸孝豐勾當縣事旋赴海寧新任

登山送將歸臨水望君還
登山向何處峩獨松關東
西兩天目暮靄晁霞閒
亦解草木敬誰言魚鳥頑
舉手相歎息君轅難可攀
海昌有新漕飛輓不得閒
爭利及小民向來味痾癢
懷哉廉叔度待汝車斑斑

病中送海年移守嘉興

瘧痢三秋恰有詩聊將古病試
今醫更無王倚供酥練
兼爲陽關賦柳枝煙雨乍分鴻
雁影湖山無奈菊花時

東南民力厓羸甚聽頌中和一展眉

寄懷曾勉士學博

釗

治三禮兼通數學辛丑壬寅閒管帶南海鄉勇所支

帑不能報銷者至三十
二萬餘金坐此免官

曾子武城吾索居懸河下筆今何如三千三百治曲禮
五十五行觀潛虛慮已無忘進學解誤人豈有陰符書
債臺南望不可極想見撚髭高詠餘

海年來杭州以讀畫樓紙百番見贈畫梅花報之

并系以詩

老鐵鐵腸生鐵鑄中有梅花萬千樹貧無繭紙吐槎枒

況說買山元墓住嘉禾太守劇風流
髹船伐鼓來杭州
山資未寄三層閣
牋樣先催五鳳樓
玉版銀光森照座
兩月分明供畫課
忽傳春信到江南
筆饒墨凍香初破
百投一報太慳生
相約贈紙百番
報以梅花一幅
笑我貪心老更萌
梅花聽事容相訪
還約開樽話月明

十一月十五日長至畫梅花寄揚子萱永嘉

一綫微陽萌井泉
煖入老鐵秋毫顛
分枝布榦未及已
已有暗香生硯田
人間萬木相抱死
范叔可憐寒至此
能迴造化更憑誰
不負歲寒惟有子
圖成欲寄無知音

念君虛堂張素琴羅浮山下

永嘉城外亦有羅浮山

琉璃水曾照

使君冰雪心

戊申元旦錢王祠行香回寫梅花

晴入新年作好春湖山潑翠待詩人狂來莫管梅花笑

不脫朝衫爲寫真

劉燕庭方伯

喜海

出示雁塔甄拓本

面作佛跏趺象旁二侍者

前蹲師虎背題大唐淨業塋塑得真如妙色身十二字楷書陽文

武德山河久陸沈人間浩劫轉沙塵一坏猶識唐時土
賴有真如妙色身

錢警石學博出示令祖香樹太傅直廬問寢圖公
官銀臺迎養南樓老人于京師時所作也

盥漱雞鳴日問安懷中疏草當承顏以三公養何須易
近九重居剩得閒夢裏荻灰猶有字眼前玉筍又分班
附名圖尾憐生晚一代龍門不可攀

汪劍秋秀才

鉞

與費曉樓上舍

丹旭

唱和有年劍

秋頃寫其所作詩詞凡九十九首以貽曉樓藏
之余借觀數過想見詩筩響答此樂不疲所恨
抗塵走俗不得屣屐其閒感爲小詩題其卷尾

往還因寄得新詩元白交情心自知

元白有往還因繼集

九十九

篇吟不足五千五百日相思

兩君自壬辰訂交迄今幾十六年

寫成茶

熟香生處夢溯燈寒月墮時蓮社肯容康樂入續君龍

尾未爲遲

李薌園明府

校青

曲江觀濤圖

空空濛濛天地青硠礚鬱砵鞭雷霆山飛岸走坤軸轉

錢唐潮水來東溟初起纂風纔一綫龕赭遙遙互吞啗

兩頭光怪眩青紅中道相逢倏交戰天河激涌

抱朴子之說

地機張

洞真正一經

鱗出

山海經

龍變

僧隱之言

誰能詳君思此理

坐兀兀默爲蒼赤籌隄防善哉龍圖說元氣附日西旋

隨月至滯浪橫沙實探原

燕龍圖肅謂潮汐爲元氣升降浙江明潮爲海口沙潭濁

浪推滯使然

後種前胥徒記異自從捍海始開元函鑰

錢武肅王

沈符

宋政和間

次第論爭似水衡傾

內府洪波萬頃載

君恩

道光十四年發

帑大修海塘並畱銀二十萬兩發商生息以供歲修之用自是安瀾十餘年矣

卽今川路平如砥桑稻青連三百里君知民氣卽天和

但保政源銷禍始雪山涼湧月輪高轉眼西風大汎豪

老我更濡枚乘筆爲君起色賦秋濤

六月二十日畫梅題

桃李紛紛入世才
薇榴荷菊亦清裁
憐君耐到冰霜日
卻算花中第一開

六月廿四日渡江赴紹興口占

畏景燒空萬葉枯
了無雲氣點洪爐
不知日落江清後
何用餘霞作畫圖

天西絢爛晚霞紅
東北寥寥只太空
笑是乾坤猶缺欠
世人安得有全功

枕上

天地遠相接渾然如此青
船頭際空濶枕上數明星
風露杳千里江湖浮一萍
濛濛城市裏深夜幾人醒

夜江

未歎天涯客路窮最憐晴夏夜
江空紅標銅柱星搖水
白糝珠盤露浥篷邨犬依稀遙吠火
野螢漂泊不禁風
人間難得惟清景欲話閒情孰與同

七月十一日邀同楊濬川張雨樵福輯五

瑞

餞月

舫于吳山渚素山房酒半驟雨月舫口占起句

余續成之

疎雨灑西湖湖光半有無白搖空水濶黑剩野雲鋪有
路三潭近無言一塔孤倚欄談笑久身已到蓬壺

移席笙鶴樓口占

要從山外看斜陽笙鶴樓前換晚觴只許安排三面坐
畱將一面對湖光

七月廿一日夢中作醒忘起二句戲續存之

十年辛苦誤枯禪飯煮河沙鏡鑄甌並坐難尋多寶佛
同心須上妙音天敢教閨室無燈火莫信深山有汞鉛
試取伯陽真實語從頭一證法華篇

伊墨卿太守西谿消暑圖令子少沂明府

念曾屬

題

昔誦秋水集如讀西谿圖

公消暑詩載秋水園詩鈔中曩從溫伊初孝廉借讀

觀西谿畫詩境寂可呼冥濛際深柳匝市環交蘆漁唱
遞出沒荷香時有無此時午夢醒但覺禪心孤可憐紅
塵子觸熱趨通衢何曾信冰雪祗復親泥塗嗟予亦襍
糲十載杭州居畱下一步地俗鴛常縈紆披圖發深省
心地清涼俱題詩約公子荷篠尋長沮

孤山寒食用趙靈秀韻

相逢桺絮浩無邊已過梅花欠昔緣宿草暖看縈蜀紙
春衣寒未卸吳縣舊遊水沒蒨裙地歸路鐘催盞飯船
贏得鄰舟相並發沿湖一路聽繁絃

口占

今仍未是昨原非白水青山與願違一丈紅塵飄泊遍
故人休問幾時歸

讀法苑珠林日月篇作九首

我讀起世經閻浮日正中弗婆提始夕瞿耶曉曈曨是
時鬱單越夜半星熊熊佛又告比正四方無始終閻浮

以爲西瞿耶謂之東南北亦如是方向各不同人生於其閒欲以智力窮或云星坐度又占日過宮紛紛講禍福挾術欺愚蒙不如無知識畢世常夢夢

長阿含經云劫初天地闇時有大黑風一發聲震撼吹開大海水取日出習坎安著半須彌萬物快一覽五十
一由旬宮殿絕雕鏤天金天玻璃牆地如茵蔯諸天前
牢行五風轉招攣天子千光明四照不可揜云何五百
歲亦有考終慘世間誰不死令人發深感

傳聞阿素洛昔與天帝爭手據須彌山搖蕩善見城須

與天雨刀自碎憐鬼兵致令大海水色作赤蟬明區區
藕絲孔詎掩由旬形方其始噴怒雲曰爲之冥四電相
抵磨三雨紛縱橫亦復召風火觸著成雷聲今茲苦蘊
隆日課陰與晴安得悅意妬百昌遂其生

佛說最長人有阿須倫王十六萬由旬高掩紅日光釀
海以爲酒摘月爲耳璫我聞蟬人國其人九寸長若以
比須倫蟣蝨視渺茫須倫戰日月一憤忽敗亡蟬人巧
隨風偃伏無所傷乃知大小閒不足較弱強況各有心
性智愚足相當君看象畏鼠龍遇吳公藏

疇人別列宿附會五行精木狼及金狗乙乙有肖生豈
知殊致羅其說尤不經云各占一天各立姓與名而復
有嗜好亦有眷屬情野棗莠稗飯或饕花蜜秬鬼昂最
和善木子威德甥參宿乃大惡房室酒肉并嗚呼天不
言窺測何由明可憐驢唇仙翹足六萬齡

佛說三千界儒家爭詆訾界各不相通大千何由知及
觀樓炭經佛說更不疑星是諸天宮計里各有差七百
至二十中有人物宜一星一世界亦如地有基我嘗見
星旋星亦怪地移況復日月輪視地幾倍之世人見目

睫不信六合奇惜哉終其身營營甕中醯

我觀於世間乃有四種雲地水風火界白黑黃赤分陰
爲壞衣色晴作錦繡紋有時欲釀雨伽茶瞿廚聞苦遭
羅喉撮又爲火界焚不如傍經壇天花雜繽紛胡爲終
日行自下昇高要一七拘盧舍百十千由旬光音不得
至奔走空殷勤雲兮歸去來與汝安榆枌

長空湛然碧白者爲銀河嘗讀圖山經是名耶摩羅曰
蒸而汗流嫋嫋生微波粲粲列星宿砂石森磊砢有時
值焚輪水石相掀簸光散剩頑質墮地成坡陀此語信

有徵落星今尙多我聞懷無寐白頭不敢科河水頭上
流河石攢蜂窠一旦隕如雨覆壓當如何

月中黑白影羣論多支離謂閻浮提樹豈無榮落期或
云蟾宮桂何爲斧其枝又言有馴兔昔行菩薩慈帝欲
試其然云將燔炙之舉身自投火焦爛餘枯槁憫此懸
月中以示萬世知此語尤荒唐焦兔能幾時或言山河
影理也猶庶幾必求所以然誰能問常儀

以上節鈔
草橋集

二十二日白錢塘江口至梵邨口占

肩輿破曉看新秋翻藉塵勞得勝遊竹浪密攢千鳳尾

松嵐曲轉九龍頭

凡過九山諺謂九龍頭

新潮潑岸寒初減舊雨

含雲溼未收咫尺雲西空悵望蘋花淒絕古今愁

時迎調吳

甄甫中丞

開化塔前作

開化塔前波影搖一天晴籟午蕭蕭江空日界青黃道
海近風隨早晚潮粥鼓經魚僧事了車塵馬足客魂銷
商量待結珠橋屋臥數征帆過暮朝

九月初一日東度錢塘江

錢塘江水拍天流一夜新潮失舊洲不定野煙山出沒

懷日會舊金卷三
遙翻海浪日沈浮頭亭船動帆爭曉腰鼓城深雁報秋
慚愧機心吾未免艣聲行過早驚鷗

玉蘭

庭前玉蘭樹秋風搖落之中含可憐色外挺森梢枝心
知有春色不恨冰霜欺物情有盛衰各自趨其時君看
籬東菊亦爾揚其蕤惟有綠竹竿寂寂初不知無榮故
無落終歲恆如斯觀物忽有得勿語奔競兒

除夕夢中作

無復功名望黑頭西湖南海路悠悠勞利雨雪空倉雀

刺促風塵閣道牛起色從人占七發歸心如我合三休
重洋未靖鯨鯢在匣劍無端與夢謀

十二日鞭春作

今歲春來應人事人生於寅月時備堂堂笳鼓綏綏旗
得得鞭春助春氣一鞭春意迴鴻濛兩鞭三鞭來暖風
春爆千頭起林鳥春花百箭趨邨童越酒常豐魚易得
越人田地常早殖二十八宿綱維天三百卅都安樂國
堂前老守眉頭深苦鞭不轉還鄉心夢中羊石盼年歲
天末虎門愁信音

三月十八日陪羅子揚太守鏞勘蕭山南沙作八

首

約簡勞新折題襟記此分

戊申四月與子揚別蕭山頃自閩來復以書約余會此

交情今舊雨宦跡往來雲續我懸刀識

去夏余奉恩命擢守紹興

以君補余玉環遺缺十二月期君勒鼎勲蒼茫知己淚

君復奉命擢守寧波

榕嶠夢中聞

同受玉坡師知遇昨夜詢師近事甚悉

杭隲山前往看山破曉行樹光擎宿露石翠點新晴渡

水隨雲影穿林聽鳥聲蕭然城市外暫得此心清

尙有人家住炊煙接野煙笑啼吾老幼高下古山川生

事全茅屋春花半麥田河莊三十里新綠泊遙天

自龕山至

河莊三十里

高竹誰家有開花到處開翠紛山霧合香雜水風來沙路車痕輟林均屋角迴潮田吾未辨邨叟漫驚猜

笑汝編籬槿終身野老家生涯甘俯首束縛也開花肯放高於屋空傳豔比霞君看松竹輩隨意作槎枒

龕赭青如染當年海上浮官隨江路改

明以前錢塘江皆自龕赭兩山

開入海龕屬蕭山赭屬海寧國朝忽改路由赭山之北以行河莊巡檢舊隸海寧署倚赭山今赭已入蕭官民往來隔江不便嘉慶十八年始奏移巡檢并其地錢糧亦改隸蕭山焉神以木碑留

巖峰

山上曹將軍廟有至順三年海寧許都鹽場典史顧升
書刊木碑言將軍名仕宰生有靈異年三十七歲卒見
神於婺源山野飯貪蔬筍馬羽豐大令昂霄風天變葛
中靈應屢著攜具就廟中早餐

裘古松如媚客謾謾起濤頭

一綫蟠松徑危山忽虎蹲臨崖朝海色拾級動雲根水

遠新潮減時平廢礮存恬嬉非上策溟渤有鯨鯢白虎山在

米船渡上二十年夷警曾設礮其上今尚存八門
汎弁委草莽中不之顧余屬沈巡檢其鵠覆護之

沙脚防南漲潮頭久北旋祗憑塘保命莫與海爭田正

坐貪天罪休言食力便煌煌看令甲敢犯教言宣道光十五年

年烏敬齋中丞奏蕭山南沙正與北岸海寧塘相對
蕭沙日長則逼潮頭直搗海寧塘請南沙紅綫以外永

禁佃民。雖淤岸任其自漲自坍并每年三月
委大員勘拆一次今予揚所奉做卽其役也

櫻桃

碧林紅顆忒相宜怪汝催人節物移客座高名惟筍配
詩家尤物被鶯知賜來豈有麤官分宴罷難忘及第時
歲歲嘗新增感慨轉蓬何日免天涯

少陵櫻桃詩此
日嘗新任轉蓬

蠶豆

油菜初青麥未黃野塍憑汝占年芳花開孔雀屏中眼
葉掃鴛鴦瓦上霜入夢有情疑蝶幻相思無語報蠶忙
吳儂風味禁追憶慣與朱櫻一例嘗

四月初九日出五雲門作

迎面東風試袷衣春城景物也依依
窺簾乳燕嬌無賴到水殘花溼不飛
客路苦遭鶻語聒衰年空羨藥苗肥
東來果有江船便肯爲無田遂不歸

四月十八日赴三江舟中口號

好山好水與閒謀可是官身得自由
駟馬高車憂甚大竹籬茅舍福難修
商量身世宜中隱落拓生涯便遠遊
仍作寓公吾亦得已從湖上約沙鷗

三江閘作

越人生長雲水隈越山挾水流縈迴穿田繞郭幾百里
到此一去不復回欲去未去勢忽張二十八宿迴天綱
晴天熠熠走雷電暑路迢迢飛雪霜君不見蓄泄無權
苦昏墊三江之間昔未建胥潮怒抉文種棺賀監湖乾
桑海變又不見萬厯以來三百年旱澇不知山會田巍
巍湯閘永不朽幸矣越民逢二天越民之見亦曰曉聞
兮司蓄不司泄曾讀西河紀事篇一夕驚波沒樓堞黃
草山西山逶迤舊傳備閘無人知

黃草澗在會稽併
山下山西閘在山陰
漢書溝洫志桃華
水盛必羨溢有填

填淤反壤誰料得懷哉股引追前規

淤反壤之害又諸渠皆往
往股引取之注股支別也

八月二十日渡江至杭州

春霖夏潦事紛更秋色催人又此行怪汝青山都不管
雲中高臥聽江聲

磬磬澤雁聽無休莫向西湖說舊游我亦艱難來澤國
眉端常有萬家愁

山陰會稽二縣水災於郡解東設局勸分地爲米

張中舍壽樂堂故址宗滌甫農部

稷辰

次坡公

韻爲詩榮亦同作

任延爲政致師友龐公蹤跡避州府高堂厭絕元規塵
一徑秋苔別開戶老解猶餘壽樂址判聽舊割蓬萊股
當時領郡定誰某情慙如聞繼卓魯丈夫志不辦一州
况復攢眉念區宇可憐射的斛米千誰解咸陽送錢五
振卹殷勤敦古處禮富紛紜集今雨澤中鴻雁不能聽
枉道國僑稱惠主青州幾時廿四考甫田明歲十千取
桂花香裏敢消搖萬口磬磬兒待乳

滌甫疊前韻再和一首

驚波高過雷門鼓振窮誰發三錢府浮沈回首歎鷗鄉

安集傷心籌雁戶勸分解帶亦多事日刮龜毛割鷲股

鋌而走險急何擇蜂虿應須鑒邾魯方大水時災民結隊強討要見

飢寒登衽席何當壽樂庇堂宇此堂自昔閱人代丹桂

黃蕉剩三五一時開局盛衣冠暇日論心到風雨艱難

莫備千夫膳豈弟真慚百神主似聞人誦伐檀詩三百

困屢問胡取命宮磨蝎累吾民劣句何心禍花乳前詩方謀

石上

三疊前韻題壽樂勸分圖

集者宗滌甫王蓉坡太守

藩杜晴佳員外寶齋

唐雪庵教授

廷綸

吳荀慈及余共六人畫者陳

克家

種山抉破萍翳怒土穀誰能修六府傾圉倒廩賴仁言

共有纓冠無閉戶憶昔魚頭生赤子高地曾爲載雕股

五月杪曾與杜晴佳相度棟樹下塘決水入海天時地力皆坐失嗟此蚩蚩半

黠魯

六月初水涸猶可補種業佃相持遂成災歉

固應墮孺致斯罰亦念飢

寒庇吾宇謀藉狙公賦芋三瑞應莎聽聚星五病守垂

頭亦何事近來洗面惟淚雨牛羊受牧軫民生菜把延

賓慚地主圖僑畫札敢自方悲色禮顏兼貌取厥明遲

爾寫班春吠犬生鰲馴雉乳

滌甫和同兒詩多所獎借兼及鄙人四疊前韻和之

星辰劍履披雲覩公望公才震樞府政從伊傳有本源
學繼王劉化門戶嗟余跛鼈仰騏驥相去無從算句股
生兒尙解得臣狂竊附門牆慕鄒魯津涯未使沂文瀾
秦定先教澄性字

滌甫教人以主敬爲宗

胡爲也有譽徒癖入目

倘緣眯色五我避正堂延蓋公亦風春風雨夏雨王堂
辭教不妄作輅牀穉榻誰賓主寫生恰有陸探微宗測

風裁試描取畱君樂歲飲亡何講德津津爲哺乳

橘康難自

然好學論規矩以爲
軒駕謂論以爲哺乳

九月四日往會稽上虞餘姚三縣觀田口占二首

莫擬高陽載酒遊越山不是舊時秋黃分稻子雲光淺

白擁蕎花雪意稠

越土惟種稻今秋甌甬中丞自衢州
購給蕎麥始知改種頃已作花矣

作社雞豚良未暇叩門菽粟倘容求莫孤圖振殷勤意

豐歲人情歉歲畱

聽說年年舊事新青山紅稻畫圖真壁懸龍骨生塵土

家有豚蹄祀穀神四野誰教秋寂寞異時贏得話酸辛

三江星宿羅羅在回首民艱愧此人

舟中無事再疊壽樂堂韻二首

會稽形勝傳今古萬壑千巖開洞府要將疾苦問田間
一路船窗做朱戶勤農粉穫誠可勸已見纍纍壓肩股
雖非有慶雅歌幽實免無禾史書魯蕎麥香杭連蓼花
白雪黃雲映霞宇亦有晚田貪待霜龍骨鳴秋人四五
世間人事豈有常前日盼晴今盼雨好將積儉敵偏災
一粥一饘能自主卻思往歲饗秋成其陳不禁農人取
田家樂事詎可量魚白筍肥花鴨乳

讀書不識耕田苦怪我經年坐城府晚知農食是民天
卻笑無田編下戶竭來觀稼增感慨趼繭誰當惜腰股
羨人車滿歌汙邪看汝膝空悔頑魯老幼相攜漫流徙
高曾以來此屋宇但畱礪确待來春朴力尙能農挾五
從來手足我爲政豈有襦粟天能雨種荆得刺桃得甘
草木空山各有主我爲倉儲籌度支亦勸鄉鄰應求取
養民不足自養餘慚愧高樓千道乳水經注恒水下流
國小夫人生千子
事

貸粟無煩東海飲酒何須北府但有名山千首詩足抵

侯封增萬戶天關其口猶強鳴笑比斯螽切雙股何來
一旦遣從政不聞賜達聞參魯況值陽侯惡作劇欲使
蚩蚩安我宇勸分何所恃堂上老人二十五倉庾何以
充菽粟水火非天雨不耕而穫世幾人長年飽飯誰爲
主楚茨墉櫛盼明年神武衣冠君看取榕根老屋夢回
時花下東風吹酒乳

滌甫將入都用前韻畱別八疊和之卽以送行

水毀木康民力苦駱驛金錢

頒少府下巴蜀粟轉江淮頃刻

天膏霑萬戶

七月奉

旨發

內帑銀一百萬兩給

湖北等省被災州縣八月復奉

旨發

四川米四十萬石分給湖北江西江浙江四省各十萬石

由來

聖德浹肌髓亦賴臣鄰作肱股先生自昔值承明治慕

唐虞道鄒魯歸來四壁空琴書方寸依然納寰宇肯爲

哀鴻畱十旬經濟已可覘四五

六月服闋當行余與兩縣令申請畱之

徐

陵真見賣車牛李靖偏教灑霖雨

勸分之舉首捐千金

君今此出

非小補鳴鳳朝陽占遇

主動搖山嶽待遠謨

記名以御史用

施濟惇癯看近取畱君

別君不能飲空對離筵酒如乳

葛壯節家書題後

庚戌

公名雲飛山陰武進士任定海鎮總兵丁憂道
光二十年軍興就家起用二十一年夷人繳還
定海以公復鎮八月戰死此書在定海時與其
妹聲宋上舍世祿略云夷匪一案未發之前文
武大吏漠不關心失事之後倉皇無措遷延日
久羣議譁起或矜意氣或圖便私既無切中窺
要之論亦無公忠體國之心時事至此尤堪長
歎余受事後屢言犬羊之性非大加懲罰無以

善後並將勦辦機宜分晰條陳而當事諸公咸
以爲難自後局勢屢變忽勦忽撫總無定見現
雖收復而善後事宜更無把握余一武人仰荷
聖明起用惟不避艱危務盡我心而已又言韓姓欠項
自願早還以省利錢緣近况拮据不能應手云
云滌甫屬題率賦一首

竹山門頭月光苦窮海精魂夜深語國有大事在師旅
當時心肝奉吾

主可憐恬嬉相媚嫵築室於道聚羣瞽伏尸者誰王彭

祖舉棋不定勦忽撫陳十八策一莫取武人惟有勇可
賈毀家助軍貸子母堅我戈船利我斧越八月望來舳
艫白者了烏黑者奴張鷟附蟻爭睚眦茫茫天海一島
孤戰六日夜援兵無臣力竭矣心不枯死人如麻如葦
蘆有墨其經厥狀殊平生言之今不渝曰惟見危捐以
軀謂予不信視此書壯節手上妹聲朱

以上節鈔
越州甲集

九日率同兒饗孫望海亭登高作

西風萬里吹晴皋羣山袞袞如崩濤望海亭前一長歎
斷雲落日秋天高高天秋盡空塵滓十萬人家畫圖裏

重陽風雨滿山城風日百年曾有幾幾輩登高往復來

唐題宋刻長莓苔

亭北石上多唐宋人題名

海色搖空生遠想雁聲

起澤有餘哀越王臺上黃花酒十七年來相憶否汝曹
催我髣髴毛斑身世蒼茫試回首

畫梅贈程西山明府

文範

朔氣森沈暗原野紛紛草木何爲者可憐搖落到梅根
生意潛藏九泉下此時老榦寒不僵雪中挺起鐵脊梁
兩枝竝立如對語商量先後迴春光千花萬花明月裏
百斛暗香爭湧起人間蜂蝶都未知寂寞空山照流水

道人山窗雲木深坐對聊爲梁父吟屈指天涯數知己
寄君同證歲寒心

題劉雪湖墨梅分得嫌字爲沈霞西

復燦作

三更風定雪壓簷老蟾抱魄初開奩空山一樹亘獨立
月清雪白君能兼人間知己何處覓黃紬瑟縮方酣甜
雪湖老仙拍手笑倒躡草履掀冰髯巡簷看影月在地
移來紙上三豪添流傳忽忽幾百載想見醉後魏鋒鋸
目空陳沈陋行牧上揖老補無從謙

多燦詩陳洎已死沈仕老晚得山陰

劉世儒姚浙詩我明前有陳憲章行之牧之名擅場何
如今日雪湖老下筆已覺無陳王徐中行云雪湖梅祖

楊補之縱橫變紛紛霽雪久磨漬但訝迨幹如龍潛文衡

熊氏川端倪山云雪湖發幹道有天然致又云霽絹時以碎油紙亂灑其上故雪點紛紛與花爭勝謝時臣見之三躍而稱

神越花昔數煮石派後來作者趨熟恬江湖濫觴及方

雪李錫二樹遺迹多塵淹我來訪古百無見眼明忽此

開霜縑三丁七剔粲可數坐對經句心屬厭從今淨洗

箏笛耳瓣香遙奉知無嫌還君高館且什襲防有蜂蝶

窺穠纖巖石谿廣文舟行大浪灘中展雪湖畫方冬花蝶翩來又嘗畫倪中丞壁歲久蜂食其花殆盡

見王思任譜序

熊笛江語慮兒云州宅有梅花百餘樹從此不必

夢蘿岡矣此間實無一樹也

故人傳語慰離居
州宅分明畫不如
百樹梅花今越絕
滿山樓閣舊唐餘
殘僧尙秘蘭亭敘
老吏能談禹穴書
偏是蘿岡忘不得
夜來香夢繞吾廬

送王翼汝歸玉環

楚門風雨送秋回
盼斷紅旗一騎來
遇合文章仍有命
漂零琴劍亦堪哀
名山有事期他日
窮海無端老此才
鐘鼓爰居知不稱
離樽淒絕越王臺

十一月十九日五十八歲初度招同陶補雲司馬

辰杜尺莊孝廉照陳拜香參軍祖望宗滌甫趙

益甫秀才之謙集小雲樓雲公精舍卽送滌甫

入朝

十九年前鬢未彫蘿岡洞裏作生朝二分明月雙蓬艇

萬樹梅花一酒瓢辛卯歲四十初度與古階平劉獻臣探梅蘿岡洞有詩紀事捉鼻

功名塵撲簌傷心飢溺雨漂搖而今剩識雲西佛賢劫

端由磨蝎招

三香名字豔清流壇坫星移又幾秋城郭是非黃鶴去

江山寂寞白雲留越詩僧稱正香妙香遠香皆下世小雲西卽正公精舍今雲公其法孫也

曾供詩料梅仍瘦不慣災霖竹亦愁

寺中竹經水多萎

贏得齋

厨間好語近山田稻八分收

十載相思白髮生千秋朱鳥信高名

往張亨甫爲余言越中詩人首屈指

於尺翁拜香著有莊子深山虎豹窺文采列座尊彝識集註久聞之而未見也

性情乍可清言逢李及不辭中道伺淵明異時倘續虞

翻對

謂益市

談笑吾猶及老成

數面成親語不疑素心農父況經時

於壽樂堂設局勸分與滌甫昕夕聚

首蓋三月餘矣補翁經

理圖振比亦數數相見公才小試看推解吾輩中年感

駢離何自更爲予子會

滌甫與余同乾隆壬子

不忘同賦癸庚詩

贈川坡公壽樂
管節唱酬數次
蓬巒咫尺春風近
拭目雲霄盼羽儀

畫梅花題

老榦嗒然臥孫枝儼而侍
閉門風雪中想見高士致
槎枒情性拙逢時看取風前十丈枝
不是回頭工作態
徑行直遂本非宜

老榦曲如更世故
初枝直本肖人生
寒窗悟得剛柔理
莫信梅花也世情

爲劉練洲畫梅題

臥龍瑟縮冰花冷
橫玉叫雲天未醒
一枝香破五更風

黃月茫茫浸山影曉來生意滿寒林看到橫斜態轉深
知君對雪裏琴坐翠羽羅浮生遠心索我墨池添氣色
臘酒酥融腕無力早參虛白悔風塵老剩冰霜貯胸臆
鑑湖春色浩無涯寫夢休尋冷淡花東鄰借問華光老
乞與胭脂紀歲華

謂年星農
工著色花

除夕畫梅花題

客裏看花又一年夢魂常繞白雲邊水盆燈影明如晝
自訴鄉愁與越箋

怪渠肺腑幾槎枒塗抹年年送歲華援得賈家詩卷例

也應持酒祭梅花

庚戌元旦試筆

一麾江海值荒年豈但流亡愧奉錢赤白易生荏澤勢
青黃難到麥秋天五行偏勝曾懲患三始論災又省愆
甲初日食百室未盈民未足角巾爭敢說歸田

爲牟星農明府房畫梅題

南人畫梅如畫馬見見聞聞不容假北人畫梅想像爲
如畫真龍識者寡牟侯北派金剛禪卻厭槎枒工姪姹
越城一載共歲寒曾許林中臂同把瀕行索我江南春

爲呵凍墨炙銅瓦我生羅浮雲水窟作宦孤山稱疏野
寸衷深貯古冰雪昨夢分明爲君寫一枝孤立絕繫援
風塵誰是平生雅縱饒歷落不羈才賞音難望悠悠者
請君添作虬龍榦北地燕支試傾瀉冰心鐵骨苟不易
新妝炫服何妨且我歌君和雪窗下圖成擲筆燈花炮
星橋火樹夜璀璨開歲春風正姚冶胡爲共戀冷生涯
空使時人笑聲啞

十一日陳質甫

與

自江寧來訪值梅花初開留之

四日於其行也畫梅贈之并系以詩

江梅初報一枝開千里高人訪戴來冰雪論交花有約
琴書作伴鶴無猜春催山色供吟筆月照鄉愁入酒杯
鄧尉羅浮拋撇得與君爭說住蓬萊堂後卽古蓬萊閣
基元微之所稱謫
居猶得住
蓬萊者也

觀物詩

浮游語神龜今汝胡不樂人主甚奄忽俯仰已今昨曳
屣子衣裳無爲耀溝壑此愛非不深所見未爲博丈夫
志千秋溫飽非所託

施嬙抱惡疾狐逐爲之差富貴積愆謗未若貧無憂內

省誠有得名位皆贅瘤所貴河與江豈取如林舟空閒
萬頃碧任性趨東流

生才不擇地古者稱無方取士論氏族足使英雄傷料
慘產駢角蛤梨胎夜光揉工拔子陵屠酤嘉偉康誰知
負苞者粲粲生中堂

欸段滿下澤要褻曠代無我聞伯樂子憎愛傳其徒憎
教相千里愛者使相驚余朱十二谷誰應新息圖才難
不其然自古爲嗟吁

將鳩搶枋榆豈不慕天池天池誠可慕途長中道悲九

萬搏扶搖一葉吁可危作事不量力緩急當語誰智小
而謀大易繫垂良規

禾穗向本根蓬葉隨風翔遠遊令人瘦僕僕走四方故
交齊何許新知空滿堂感彼鷓鴣鳥舉翼先南翔豈不
厭紆回念念思故鄉

翠蚪搢膠葛失霧潛其形騰猿王相梓在枳還危行尺
蠖有信屈誰能與時爭蓬累而茅靡處困心逾亨直情
以徑遂陷阱方縱橫

有挽易以陟無掖難爲趨先容悅蟠木闔至輕明珠藹

藹金張彥盈盈王貢徒豈無圭與璋棄之在泥塗丈夫
會特達德鄰終不孤

試院與姚梅伯顧小雅

儒寶

合作梅花各紀以詩

姚花清潤冰玉兼樂翁衛瓘知無嫌顧枝高冷不可近
雪毬倒挂乖龍髯我得酒狂君勿訝一樹橫撐花上下
孔融掉臂登龍門康樂攢眉溷蓮社圖成鎖院生暗香
三人各瘦何人強漫山桃李應未識付與石丈同平章

題沈小霞畫梅花拈得齋字爲沈石樓作

小霞青霞先生

也子

阿翁金石鑄形骸清白傳家世世皆幾輩圖書存舊澤
一枝霜雪見孤懷紅羅寂寞春千里香霧淒迷月半齋
落盡燕支君勿訝高人原不與時諧

梅花下作

冰雪叢中見一枝劇憐疏影照須眉尋春更到花深處
把酒剛逢月上時定有碧雲陪入夢恨無白鶴話相思
年年得見垂垂發催我天涯老不辭

感事書懷寄宗滌甫

蹇足悞長阪倦羽思故林銜恩溷青紫量力慚蒼黔事

變不我貸災歉來侵尋餓夫實鴻磬斲徒亦鴉音教養
兩不豫刑威非素忱

水行秉陰德陰盛陽不伸平隰雨仇稼高原魚食人攻
上固椎鑿脅絲空殷麟此邦實禹會陽旰今弗神見怪
且修職愆慝叢臣身

簞食易爲德私恩信區區行善有主名衆口生毀譽雨
不偏塊土江不私一魚浩渺雲水中萬族皆涵濡君子
譏小惠濟人以乘輿

水不流人非人不濟懷哉翳桑餓沓矣參軍惠解

帶長吏心翕羽朋友筮雖微韓非言豈昧奪儉計小人

工敗成世道足流涕

韓非子顯學侈而墮者貧力而儉者富今上徵斂於富人以布施於

貧家是奪力儉而與侈墮也而欲索民之疾作而節用不可得也

依賢固不困佐雝焉得傷人涉須我友推輓踰羊腸吳
侯亦有言豐儉同家鄉同心繫民物餘事論文章邛鉅
何當乖永懷天一方

驪駒昔在戶之子殊忽忽贈言重九鼎蹉跎慚微躬烹
魚莫慨釜于狩誰韞弓蘭餘尚馨室麻去難爲蓬庶念
餅鬻恥勿忘山石攻

白杭州歸順闕西江塘口占

客路曉煙迷歸津指越谿
潮荒訛子午風熟信東西
九面帆隨水千文字隱隄
民生關保障非是好棲棲

題畫梅

誰能就範等羣材常使花
從紙外開卻怪虛空容不
得一枝香雪又飛迴

懶隨庭竹去干霄曾約籬
花共折腰多事春風強擡
舉暗香吹滿赤欄橋

耐過人間六九寒更無風
雪到湖山一枝靜倚巢居
閣

似待林家老鶴還

一林香霧影離披正是高人索句時
莫信居高風露足日邊依舊有枯枝

晚登日在樓

雨意尚漫漫晴光上倚闌浮空春樹溼
鋪水夕陽乾早識簪裾累今知稼穡難
眼前十萬戶誰盡免飢寒

牟星農琴鶴歸舟圖

莫誦黃門感遇詩出山心事憶山知

著有出山憶山諸草

尚餘琴

鶴官非累已負鶯花醉不辭萬口青州傳
惠政幾年白

懷唐金部集卷三
社慰相思得歸我亦抽身去肯任風塵污素絲

淡巴菰

香生翦翦味遲遲苦盡甘來祇自知料理春愁曾共酒
消磨寒夜最宜詩土風可禁清明節樂府應歌黃淡思
從此騷人添韻事露囊湘管佩何辭

七月初八夜皋步作

車水官河救晚田終愁雨少力難全人間尚有山田在
無水無車只靠天

盡做篷窗受晚風可憐西去斷霞紅興雲降雨無消息

枉說名山滿越中

漸減驚波靜不流
空明藻荇尙夷猶
祇應塞盡三江閘
留取林塘一鏡秋

散花亭子路陰幽
夾岸蟲聲併作秋
清絕遶門山上月
倒將峰影入中流

入夜鄉邨行客稀
涼煙半冒水田衣
茫茫風露無邊際
供與流螢自在飛

覆水瓜棚絡緯鳴
舉家爭說露華清
春雷十面休相妬
聽取田家鼓吹聲

懷古田全言集卷三
四
笛步胡牀露氣深空江明月洗秋心他年記我吟詩處
魚網橋西樟樹林

七月二十四夜作

扇底閒花枕畔開碧懨湘簟夜涼纔空階夢醒聞餘滴
知是龍山過雨來

胡芝房明府

泰階

將之江山出童二樹

經

墨梅見

贈和畫中詩韻題其上

西溪春色留難住賴有山人畫中趣十年訪畫費相思
遲早逢君應有數胡侯別我江郎行高會憶曾同落英

一枝持贈手親把潭水桃花無此情高館明燈驚婉變
開圖省識春風面況聞一畫一題詩惟有此詩推壓卷
詩壇花事惜分張舊夢回頭墮杳茫花送佳人前度老
雲山終古自青蒼人老花殘古如此花殘再發人衰矣
羅浮明月不常圓也悔年時去鄉里君爲西溪曲我作
羅浮吟蝴蝶背中春晚晚杜鵑聲裏夢侵尋與君鄉愁
誰較深林閒翠羽知此心

題畫梅花

學寫梅花四十年江湖臺閣派茫然而今始得童家筆

篆籀行枝草字圈

八月十三日五更大風雨至十四日日晡未止

狂飈挾海飛上天神趨鬼擁聲喧闐一城涼夢忽驚醒
拋來雨點如兒拳起坐盼晴過日午黯淡雲陰千萬堵
北想長隄一縷危老農痛哭魚龍舞魚龍隱約記前游
去年梅節冷於秋茫茫深沒青苗頂緼緼橫生赤子頭
今年陽侯益狡獪錢曹兩江此高會聞堰西頽杜浦東
娥漲胥潮盈畎澮都來八百好湖山納盡海水毛孔間
次防甫畢還愁旱豆雨初勻剛解顏誰料一朝人事變

雨勢風威來四面達旦連宵不放晴舞空屋瓦如花片
可憐補種買新秧屏水澆肥幾日忙盼到暎花剛起色
仍遭巨浸孰能防我有憂心猶未已海塘江塘五百里
山會蕭餘上五縣凡六萬餘丈最嫌八月十八潮況忌顛風東北起去
歲天災今地災更禁天地共相催守土無才不自退歟
及我民吁可哀徧祈羣祀誰能救默坐仰天深自咎兒
童可笑太憨生相逢只訴牀牀漏

出城 二十二日

落蓬眠櫓出城闔疾苦何勞更徧詢天末魚龍驕入市

牆頭雞犬悄窺人舊痕共證簷楹迹餘痛猶驚風雨晨
誰坐黃堂驅五馬年年保障愧斯民

汪龍莊先生遺像

四十五歲讀公書

丙申試吏來浙錢伯瑜方伯以公所著佐治藥言學治臆說諸書分給僚

屬乃習誦之奉爲圭臬

五十九歲拜公像公書已竝山陰譜公像

還如泰山仰聞公當時宰寧遠破柱鞭絲治無兩三善
難寬負米悲雙節微言徧天壤竭來投檄歸田園田水
聲中倚筇杖公子言公晚韜晦不入州府嫌骯髒胥濤
忽快文種棺毅然起作民保障公卿書札自頻煩令子出示

長中丞麟吉中丞慶阮文
達公與先生論江塘手書
版築歌呼同鞅掌工成一百

七十朝隄鞏二千三百丈
見公謝長中丞啟
節縮其贏爲歲修

從此豐功在鄉黨嗟今陽侯西肆虐聞堰汪堰復決泮

娥江東更奪民田龍族交涎競雄長我爲借

帑備薪芻孰任其勞媿疇曩無訖實獲思古人披圖增

我心嚮往
圖經梁山舟學士吳穀人祭酒諸先生讚諫詩歌敘公事盡矣公子書隱爲余言公修西

江塘事今適有感故爲詳之

十月十九日富陽道中

青青富春山作作虎爪張可惜好嵐翠盜藪中焉藏我

行仰山半浮藻樓叢篁共言苦夏潦倏忽更滄桑嗟哉
屏翳力與歲爭豐穰歸來錢曹江及此增隄防

人生在衣食百業視所操出入而息飢寒免啼號綱
紀苟不存孰能任其勞遊說相矜誇剽掠以自豪等爲
無事食王章安得逃大哉聖人世耕鑿安吾曹

今古此青山攘攘闕人代雲煙改顏色出沒變姿態不
知人間世朝野幾興廢草色常青蔥江聲自朝晦誰能
退急流鼎鼎百年內佳處安團茅日與鏡鬟對

麥箭瀧

麥箭瀧西千萬峰白雲堆裏露青松前途借問桐廬縣
尙隔松雲第幾重

桐廬縣南師峰

一徑踏黃葉半山穿白雲入林驚鳥語俯檻看江分僧
苦城中去鐘遲竹裏聞嚴灘旌節近延望又斜曛

大浪灘

保兒英氣甫登壇曾敗吳兵大浪灘畱得戰場明月色
年年寂寞照漁竿

烏石灘

幾時流得盡終古此灘聲搖落年華感蕭條旅枕驚隨
風方遠去咽石忽悲鳴耗盡長年力年年上水行

廿五日歸舟泊勾刀洲

百里桐廬一水還眠桅搖櫓下嚴灘勾刀洲畔東風急
留得孤衾半夜寒

端木鶴田太鶴洞天石第二圖令子叔總屬題

田鶴

著易情成五月五日於雪上易堂得一石具芝
檜龍鳳紋蓋星化也湯雨生爲作圖題詠殆遍
叔總復屬僧六舟作此索題

鄭君昔註易爻辰燦成章三百八十四列宿懸清光王

弼強解事概以空言當自從晉宋來精義墮渺茫觥觥
青田翁樹幟虞鄭疆躔次闡司農壁壘翻仲翔消息大
小過升降天陰陽古今造化蘊盡洩無餘藏君看在天
易質存精則亡宵來一曜碧墮地銷寒芒紋奇龍鳳蹙
色古芝檜香到手屢緹襲傳家等珪璋我聞造字者雨
粟天降祥又聞宏成子吞石經術昌偉茲補天功合有
玉版償安知無葆祠後此旌易堂鏡湖逢小同示我圖
重裝勗哉繼絕學毋徒寶琳琅

除日作

六十歲人明日是四千里路幾時歸朝來婦子看青鬢
老去家山憶翠微治內流亡無計免車中富教素心違

濯龍有夢陂當復黃鵠休嘲翟子威

以上節鈔
越州乙集

懷人詩三十一首

樊了園師

諱

夢蛟方駐防旗人未有考試例獨讀

書學爲文自廣州徒步走京師試童子不售納

粟入國子鄉試又不售徒步以歸嘉慶丙辰

詔八旗駐防子弟取進士員附府學師乃繳其監照復

試童子得入學戊辰偕屈因齋李明江劉獻臣

武光河試京兆又不售丙子科許駐防生員就
本省鄉試衆咸屬目於師乃數科以來後生小
子無不飛黃騰蹕以去而師竟一衿以終豈非
命哉粵人語與正音枘鑿不相入凡讀書仕四
方者皆來求教於師口講手畫窮日夕不倦生
徒先後積千百計初自京師鄉試歸至江西金
盡以百錢趁商船舵尾行舟中人拈韻爲詩師
亦作吟哦聲與相答舟中人驚詢之試使爲旅
夜詩限江字師口占以應有三更魂入夢中夢

一箇人行江外江之句皆大歎服迎置中艙師
事之厚爲贈贐乃得歸性嚴急旣累不得志於
時蓄其憤咤得酒輒使氣罵座人人亦不怪也
著有日記若干卷聽雷書屋詩文集若干卷

酒氣千尋湧怒潮書聲萬卷自昏朝直憑壯志爭天數
敢以他途溷

聖朝尙有江湖憐李涉莫將醒醉論寬饒雅言遺響今
誰嗣總角門生髻已彫

樊柳圃秀才

坊

了園師伯子也嘉慶丙寅與余及

王瓚濟

同補博士弟子性通脫愛閒嗜酒了

不問家人生事好爲詩喜觀說部書皆能挈其
綱領時引以難正史人不能屈也著有八旗新
歲竹枝詞一百首屬余爲序因循未就工畫竹
書學圭峰碑雅飭自喜卒時年未四十

文章爲命酒爲年勘破芭蕉世界堅無事強人來說鬼
有情將夢去游仙歲時記合煩宗懔書畫心惟許鄭虔
誰唱竹枝三百韻遺音悽斷伯牙絃

樊昆吾上舍

封

了園師仲子余四子傳善妻父也

與余交最契且最先負其才氣有不可一世之
概初爲諸生試經古誤坐他號傳石坡學使棠
訓之不服以貌視師長斥革輒抗聲曰熊廷弼
何如人也公謂死灰不復然耶阮芸臺相國督
粵使註

三朝御製詩集爲援例入太學屢試不售庚子軍興君
方客余臨安縣署以冒雪遊天目病足不能行
擦拳嚼齒恨不奮飛回粵以尺組繫逆夷懿聿
之頸壬寅祁竹軒宮保用其策築圍虎頭門

外屯田爲守化海爲地寓戰於耕不增餉不增俸平添十萬衆自顧身家不肯潰散之卒誠奇策也凡用

帑十八萬金一切事宜皆以委之已告藏矣當事者忽更其議收租助餉兵與農仍分爲二惜哉當集事時君亦自占一園百頃以耕以讀作終焉之計連年風潮爲梗修費不貲君乃退還其地然坐是債纒然矣子鍾秀癸卯孝廉有父風

白首憐君尙固窮債臺高映夕陽紅幾聞殺馬毀車客

能作多牛足穀翁詩卷生涯傳阿子酒杯末路哭英雄
虎頭門外談兵地餘氣猶應化白虹

樊甸侯秀才

屏

了園師第三子也清瘦骨立精神

大於其身博聞彊記尤嫻掌故著有駐粵八旗
小志若干卷老兵閒談若干卷

秋山瘦影挾冰霜揮塵當筵氣慨慷爾父如龍兄似虎
從渠得酒我宜狂百年人物倉曹志七萃威儀司隸章
苦爲著書拋歲月年來閒卻嫁衣裳

宋燮齋秀才

爾炯

余仲姊夫族兄也工書性不能

從俗俯仰嘗白眼遇世人於余十年以長顧獨
優獎掖之每臘盡揮春親知楹帖全集余與陳
方君輩過之輒令作代君從旁檢察嘗喝曰連
身寫入蓋欲其全力以赴不令用指也其書力
摹大令尤鄙人學松雪道人見卽斥之應元宮
重修門額字大三尺許無敢執筆者君一揮而
就大爲盧后山宮保所賞延見之不肯往然
自是書名噪一時辛丑書寄余杭州曰近以潤
筆之資築春草樓於流花橋南遲吾弟歸來幅

巾登眺嗚呼言猶在耳曰歸無期而君墓之木拱矣余甥文選書亦得其伯父家法

洪亭書學羨誰開人道丁覲未易才腕底龍蛇須捉住
天邊鸞鳳或漂回移牀遠客從渠託築屋看山待我來
他日酒杯寒食路流花春草有餘哀

古階平孝廉

元德

余三姊壻也與其弟

峻德

讀書

訓蒙其仲姊矢不嫁與余姊鍼黹助之積三十
餘年今遂小康當弱冠時家無擔石儲先太恭
人以讀書人取之君口講指授善誘人不倦八

旗中英俊大半出其門下晚年掌教義學道光

乙酉與其徒于

文培

同舉於鄉余以癸巳出嶺

南及乙未乃與君會京師癸卯君與李湘生樊

子實保東海

天福

諸孝廉計偕過杭復得促膝

談心逾旬日近得其書日與酒杯作緣百念已

空惟盼孫枝茁秀而已

八校桓桓萃虎貔經師未見况人師平原文學誰爭慕

安定生徒世共知鸛雀衫寬貧未病鸕鷀杓滿醉何辭

袁家宅相風流在

謂琳甥

千里蘭孫盼一枝

古太初秀才

峻德

階平弟也瀉質自持晚年無子

納一姬大爲河東所窘余初爲其親擇地下阬
未寔近聞君卒卽葬於此

小古聲名又一時古心古貌姓真宜無言靜與希夷契
有竅休教混沌知落地近應防拄杖生階終喜得蘭芝
滕公鬱鬱三千歲識汝佳城事亦奇

丁履初明經

禮

長余八歲余總角時辱忘年下交

性恬淡好整潔未嘗讀莊列書而善言名理暗
合孫吳當稠人廣座論是非持不能決君從容

出一語無不渙然冰釋者余嘗戲以爲世說新
語中人物嘉慶己巳部議旗籍生員設廩生一
人君首膺其選癸酉以明經貢然君恬於進取
不以介其意中也晚被誣於人而不自辯杜其
門不出今二十餘年矣道光戊申其子德元以

驍騎校引

見過杭還余舊作文一篇十四歲時與君及劉獻臣朱
吉士謝景山會課於獻臣家初識君時所作者
也俯仰四十四年間余隨手所作詩文多散失

不復省憶而君弄此如新平居履屐皆得其任
於此想見亦可以證余兩人之交情矣今年德
元子聘兒子慮善女海兒爲室遂與君爲姪家
云

誰知微禮定吾文
夙弁交情老更敦
我覺茗柯皆實理
曾將松麈助清言
槐根世界榮枯幻
馬耳東風毀譽煩
交到子孫能幾輩
相逢休惜倒芳樽

朱吉士明府

霽

性淳篤不苟言笑
工制藝先儒語

錄略皆能上口
期心領而躬行之
當余與履初

經畚諸人嬉笑怒罵旁若無人君方步而來一
座爲之斂色然喜爲山水之游嘗偕余及履初
經畚昆吾謝景山魏完珍冒雨溯沙河上白雲
山君失足落深潭中水及其腰輒大呼曰對山
救我同人無不撫掌胡盧者嘉慶己卯與其弟
霽妹婿崔廣文同舉孝廉道光丙戌成進士發
貴州以知縣用甫至省卽捐館舍君懷用世之
略得尺寸之柄而施之必有以異乎俗吏之爲
之者乃溘然賁其志以沒惜哉二子長朝玠余

同年進士今官昌吉令次朝剛武舉不於其身
必於其子孫天之報施善人蓋有待矣

尺五家聲正鼎新白眉眉宇更無倫儒先有語期躬踐
童冠偕游見性真曾說對山能救我卽今臨水輒懷人
溫溫未試栽花手移作甘涼一路春

朱經畬明府

徽

吉士仲弟也長余一歲余年十六

與君及丁履初同讀書於殊勝殿中最相契自
後余奔走衣食丙子有

詔許駐防生員應本省鄉試余復與君及施夢臣同讀

書於六榕寺南堂是科三人同獲雋計偕往返
同行一萬五千餘里丙戌

大挑余得二等君以一等令湖北試署得南漳縣山
僻窮瘠人處之不堪而君蕭然寡欲安之若命
嘗買一小僮問之縣人也父以輪直狐皮差無
所資賣之以供君亟呼老吏詢之蓋南漳歲餽
道府狐皮二襲胥吏緣以爲奸折色取之於民
百其數而不止缺素瘠官亦藉此以爲調劑君
旣得其實立懸牌示禁絕之而通稟道府立案

自出貲購狐皮以爲禮方是時吏胥丁幕無不
交口沮之君不爲動聞之省會亦有議君爲壞
缺者君顧毅然不恤也居二年量移廣濟方詣
省市月南漳人赴省者中道見君旌導甚都仍
往南漳及抵省詢之則君以是日捐館而南漳
城隍廟令亦於是日夢君履任嗚呼君之施於
漳甚溥固宜有是報矣君平居緘默慎事類不
能決者一旦見義奮然獨斷不可回仁者必勇
不信然哉子三人長朝珂今官防禦

髫年豪氣斗牛衝同舞訶林半夜鐘燕市看花無獨往
藍關阻雪有駢蹤閻羅死驗韓擒虎路鬼生嗤劉伯龍
爲問後來循吏傳皮毛誰肯貸山農

朱介石明府

朝玠

吉士長子也余旣交吉士經畬

數十年道光丙申應

恩科會試乃與介石同成進士君沈毅力學有父風庚
子英夷之役嘗上書林少穆尙書多所采用乙
巳選甘肅文縣調昌吉再調奇臺皆在嘉峪關
外吐魯蕃地也

鐵板銅琶出塞行
燕然疏勒古功名
看君年少能乘傳
觸我心雄欲請纓
生入玉門秋萬里
夢回珠海月三更
如今邊患非西北
餌表歸來掣巨鯨

施夢臣孝廉

良

少余三歲嘉慶丙子與同年舉孝

廉計偕北上江行次華陽鎮逆風大浪余與朱
經畚登岸步行君獨坐舟中讀書將收港百丈
忽斷舟掀簸巨浪中急募小舟救之方惶遽無
策旣而舟得抵岸君朗誦賈長沙治安策尙未
畢也方都中大會同年君借逆旅主人敝冠蓬

鬆以往與廣座衆人相揖讓衆咸錯愕而君夷然忘之余於是服君之量高遠叵測非齷齪輩所可同日而語庚辰歲復同讀書六榕寺芥隱堂中方以遠大相期癸未會試榜未發卒於京師惜哉其從弟溥武進士與余丙申同年今任

山東撫標守備

雅懷陂水見汪汪撓濁澄清未可量戲海已知安石定脫衣休誤正平狂百年許我同心契萬里期君一蹶妨從此南城鄰笛苦黃金臺畔卽山陽

武光河明經

榮瑞

資性醇懿攻苦舉業嘉慶戊辰

與屈因齋等同赴京兆試時旗籍尙無就本省
鄉試例今琦靜庵相國父成侯都統粵中資遣
以行余方十七歲望其行若登仙然及報罷歸
與余同受業於丁峻山師門下日以道義相切
劘君爲文墨守先輩繩尺不肯俯從時尚終於
明經不能一登乙榜士論屈之子秉恭今亦青
其衿矣

萬里求知席帽單誰言孤進有還丹公車久待三年牘

家法空傳五十難老剩羸經遺梓舍死宜紙筆著桐棺
蘋婆花下嗟迴首曾共書燈午夜寒

劉芝巖協領

士英

余十五歲時與同試童子最相

得長余五歲府試最後一場出五題天寒晷短
君助余爲試帖乃得全卷以出年十九與同直
將軍幕府自是君始投筆手弓慨然有馬革之
志朝夕相與過從未嘗不以古名將相勉及余
癸巳出嶺十餘年間君由驍騎校洊擢協領辛
丑英夷犯順君從果勇侯楊芳守南門飛礮拂

其冠氣不少挫方爲朝食之謀遽有渡河之喝
病二日死方死時賊尙圍城未退彌留憤咤真
有麥鐵杖三日不汗之恨嗚呼哀哉君馭伍嚴
而有法持已清正熟於八旗掌故祖源父秉裕
皆以文學飾武事得於家學爲多尤深沈有大
畧掌印務滿漢八旗有大事將軍都統咸虛心
委任之死時年五十五可惜也與余交尤篤數
十年如一日方余赴蘆城訓導時寒雨載塗君
褰衣來握手話別贈詩有日省功深入聖門之

語君之所望於余者深矣潦倒風塵中無所得
每一念及輒自責負吾良友也兒子同善娶君
第五女今隨任來浙君二子長安圻以君喪毀
卒次安基今官防禦

投筆無端志請纓如山浩氣壓長鯨攻心肯任蚰蜒塹
拂首從飛霹靂聲聞喝渡河期報國憶看畫地共談兵
不堪腹痛思前事五岳如今誤向平

劉獻臣秀才^勅嘗兩試京兆不售乃投筆營什一

繼其先人之業取贍家人四十餘口門以內惟

伯兄命是從無是非者余以是知君具治人之
才使之攝尺寸之柄坐鎮百里必井井然無不
舉之事而一衿遂老其才天下人類此者當不
少是可慨也余辛卯壬辰間數與過從殆無虛
日辛卯十一月嘗與君及古階平李曉原買舟
遊羅岡洞明月梅花一白五十餘里至今思之
常在夢中君氣度閑雅弟勲勁嘉勲勤功子彥
揚彥明姪庭學彥昌皆秀才

羯末封胡萃一門君家便是秀才邨讀書燈外風霜苦

吹笛墻頭笑語溫少壯功名訛蟻鹿蹉跎經濟到雞豚
蘿岡洞裏梅花月最憶年時照酒樽

劉鼎臣秀才勳獻臣仲弟余十二歲時同學友也

王友金昆一門禮讓與朱吉士家鼎族相望其
封翁皆先君至契友也余旣得徧交君兄弟及
三朱兒子輩復與君姪彥揚彥明子彥昌暨朱
介石昆仲爲友然鄴不映照愧兩家多矣

勺象論交五十秋思君珠海使人愁醇醪氣味周公瑾
欸段平生馬少游未遂野心仍市隱誰知濁世有清流

年來子弟通家便光塔東西占一頭

屈因齋廣文

廣培

喜潔好客與余同直福松巖將

軍幕府掌書記甲戌乙亥間復同讀書六榕寺
清涼界中舉嘉慶戊寅孝廉選授直隸曲周縣
教諭己亥攜其少子赴任過杭州畱余旬日乃
去君兼知醫在曲周聞活人甚衆家家放翁聲
名藉甚少子亦贅於彼土蓋安於其俗有終焉
之志云

關干苜蓿近何如不見曲周雙鯉魚酒熟定添留客飯

方奇新著活人書羅浮以外無歸夢廉讓之間好卜居
三十年來論往事爐香杯茗最思渠

李明江孝廉

文蔚

篤行力學取與一介不苟初與

武光河諸君試京兆不售及丙子

詔許駐防八旗子弟就本省鄉試人皆謂君可操券而
獲君亦不作意外想乃遲之又久進取志不少
貶乃以壬午始與計偕一試春官不利輒絕迹
不向長安西笑開門授徒其子潤海甲午乙未
先後皆舉孝廉自潤壻吾季妹明江於余乃爲

丈人行矣君工圍棋其子海尤有出藍之稱

雲路街南步履遲出牆新竹翠猗猗憶過斗室茶禪曰
聽話金臺墨試時續有燈毬看造勝可無瓜葛試圍棋
而今只共王戎語拱盡新阡栢樹枝

謝景山秀才

秉仁

性豪爽喜結客晝日訓徒興國

禪院夜則坐上客滿君躬自烹汲時繼以酒卒
以爲常不少倦當雅集時客忽談天晝地吹笛
圍棋君獨以哦詩擅場每轉喉激響或曼聲長
引能令人抃躍悲泣吾不知唐人以詩八樂府

所謂黃河遠上寒雨連江其宮商節拍爲何如
及聞君歌漁洋山人秋柳諸什乃信搖蕩性情
靈祇致饗動天地感鬼神莫近於詩鍾記室之
言爲不虛也

潘郎髭雪暗中多白日黃雞奈爾何嘗記喫天歌小海
那禁蹋地舞迴波玉壺敲遍雄心在銀燭銷殘醉臉酡
他日虞翻祠畔路曉風殘月怕經過

章仁山孝廉

世封

長余十年以上方余從馮薌林

師受業時君因其中表凌喬年秀才

椿

與吾師

交時時過從嘉慶丙寅與余同肄業粵秀書院
又後二年君乃得隸名博士乙亥同讀書六榕
寺清涼界中君賦性和易每事常失之緩而余
生卞急藉以當韋弦之佩所益爲不少也戊寅
舉孝廉丙戌計偕與同舟車返粵君家世鼎盛
羣從兄弟多三四品將官獨君以文學掇科方
蒸蒸日上而屢試容臺不第求挑一二等亦不
能得然其志終不少懈至於死而後已悲哉善
圍棋得其傳於妻父文彬然君性本緩兼好深

沈之思每一局必竟日或畱至次日乃終求與
人對局無應之者居常強其妻手談亦韻事也
粵至京師往返一萬五千餘里君六上春官賞
以誇於人曰吾腳下有九萬里路云

澤底岡頭盛一時卿文弟武足怡怡觀人履屐閒能任
佩我韋絃益自知徙宅定畱公姥石傳家真有婦姑棋
培風九萬成何事羸得清談佐酒卮

李曉原大令

澤霖

嘉慶戊寅舉人選直隸南和縣

教諭升知縣分發山東少年遊歷多與共之

張緒當年髯未彫平生遊伴劇招邀白雲蒲澗新茶具
明月蘿岡舊酒瓢豪竹哀絲歌敕勒紅船翠浪訪金焦
離華山色今千里悵望音書坐寂寥

李湘生孝廉

蕪芳

曉原兄子也性爽直常面發人

陰私然無忌之者諒其無他腸也中道光辛巳
科舉人喜交游錢江之案幾爲所株連尤工篆
刻常以名印寄余杭州至今用之

廣坐淋漓縱笑談逶迤世態孰能諳罵人共信狂劉四
作對難逢熟魏三屠狗交多今自悔雕蟲技絕老猶耽

微名可稱燕然手珍重書來寄嶺南

黃哲人秀才

世杰

父名貴榮字春林將軍稿務外

郎以父執事先君甚謹嘉慶庚申冬先君病革以不肖榮學業託之春林次年卽延馮薌林師主講元妙觀西余與君皆受業焉時余甫十歲君少於余又二年余學執筆爲文君亦落紙成語丙寅同試童子余倖獲雋君未得與輒愧憤若不堪者時年十三耳戊辰君補博士弟子後與余同讀書於六榕寺清涼界中丙子同應鄉

試君又不售自是屢躋場屋抑鬱以終年未三十也無子身後惟一女存

孔李通家禮數修交深羣紀足風流阿翁我實嚴師奉
父執君仍益友求曙後火珠星粲粲秋來蟾桂事悠悠
清涼界裏葡萄月曾照書聲五夜愁

高大愚布衣

殿臣

工醫其門常如市三十年來所

全活甚衆說者謂五羊城自崔七袁一錢以後
無如君之學識精詣者性尤慈惠不問貧富皆
盡心爲施治之遇極貧人時贈以藥尤與余善

屬爲顏其居曰養古春齋觀此則其性情行事
概可見矣子三人仁平堂皆諸生

城西崔七久歸仙不見當時袁一錢新病近多鄰死地
古春誰爲養先天朱門白屋心平等火斗冰槃用不偏
行道自來稱有福三狐五馬看蟬聯

魏完珍布衣

廷賢

習繙繹喜爲詩天分不高而攻

苦特甚少陵草堂集皆能上口不遺一字城西
元妙觀坡公所撰衆妙堂記者也高榕蔽天一
方勝境每歲晚於此開聯社近地文人及八旗

中退閒諸老輩皆曰造焉其例每日於人集時
闔一人出上句及校閱謂之坐師自後卽以所
校第一人替之每屬對一語投六錢視對者多
寡校取十人或五人卽以所投之錢分與之謂
之謝教自乾隆以來歲舉行之時有傳爲賭局
者吳曇繡先生峻權廉訪使微服覘之試投一
語輒冠其軍翌日白將軍以爲不減雅歌投壺
之風近年以來皆完珍主其局誠韻事也今此
風沿及城內外及南海順德諸鄉拓而大之每

語投銀一星聚集至千餘人則真幾於賭矣完
珍嘗遇異人傳導引之術行之有效今年將七
十聞其容色益少云

衆妙堂開歲又徂高榕如幄闕元都人招司馬耆英會
韻繼張爲主客圖屏背十聯真賞共琴心三疊道情孤
他時古案長松下畱得還丹乞我無

劉伯裕廣文

建中

性樂易好飲酒道光壬午舉人

選直隸順德府訓導告養歸方丙申與余同上
春官浴佛日潘德畚贈姬燕卿甫入門君來索

賀酒坐未定進士報至君爲拊躍已忽悽然曰
余殆又康了矣相形之下心動欲悸實不能安
於坐遽踉蹌回寓齋旣而果薦備以溢額見遺
及今思之情事猶在目前君功名熱中與不欺
之素皆可見矣爲校官時所入一以委之學斗
及其歸也迫不能成裝尤友愛與仲弟馨室明
府平生無閒言與人交誠篤無忤蓋其天性如
此子錫麟余壻也

舊好追尋萬里來論心握手記金臺東風妒我簪桃杏

時黃香鐵贈詩有報
他桃杏一齊開之句
官舍愁君沒草萊
謝覽平生惟飲
酒褚淵名品更推財
佳兒婚嫁何時了
待賀癡聾勸一
杯

劉馨室明府

建德

道光辛卯舉人伯裕仲弟也

大挑一等發湖南以知縣用英夷之役在粵東助餉
議敘加同知銜

出匣干將氣逼真衡湘作令宦情新東風暮雨思公子
南浦春愁隔美人明月頭銜從世好青山夢寐與誰親
阿兄正有登樓賦聽到哀鴻一愴神

伯裕方客德安易若谷太守幕中

陳朗山廣文

良玉

與兒子慮善同補博士弟子丁

酉舉孝廉

大挑二等以直隸教職選用博學無方尤工詩善填
詞往寄余詩一帙意趣淵穎不欲以名家自限
近聞其遊桂林梧柳間山水雄秀助其筆力當
更精進十倍屢上春官不第寄牢愁於痛飲及
甲辰奉

旨停駐防鄉會試君英雄無用武之地尤抑鬱無聊一
於詩乎發之其自成一無疑矣他日相見當

索近稿舉大白對會稽秦望諸峰引滿高誦亦
一快事也

此事袁家合見推怪君壯志一朝灰賦才誰識枴櫂枕
酒債難償鸚鵡杯花草詞工新調倚桂梧山好倦游回
幾時重讀驚人句明月珠江一溯洄

張活齋驍騎

茂源

與余同直都統幕府相得道光

辛巳余館河南築屋舊南海縣事無鉅細一以
屬之謀人而忠可爲君信出嶺後遂不相見甲
辰聞捐館舍道里懸絕不能憑棺一慟至今歎

然

三尺齊嬰每自誇智珠盈寸握靈蛇十年幕府文無害
一夢鈞天生有涯昔爾出居誰作室諗余將母遂移家
蠡城羊石空相望投報慚人賦木瓜

王慎言二尹

建言

余伯姊女夫也純慤性成內行

尤篤事親先意承志好施與赴人急如己事家
本素封坐是至於不給然無悔意尤好堪輿家
言時有悟入軍興以助餉議敘

壻潤翁清敢自誇情兼師友誼通家看君蘭膳羞晨夕

感我松阡閱歲華
誥上五花金送喜
階前一筍玉生芽
鬼靈術在終須秘
莫漫逢人話撥砂

佟吉人秀才

估

余伯姊繼室子也父貴英先君識

之窮困之時妻之女而屬以家事事先太恭人
如母同居三十餘年姊亡繼娶不改其常估工
圍棋嶺以南推爲國手今館石城

同居卅載念周親痛癢相關入夢頻漸看孩提成老大
深防閱歷損天真棋先汝倘饒天下文莫吾猶及世人
怙悵年來謀負米但畱學殖勿憂貧

李沛蒼妻弟

祥雲

事外舅芳園公得其歡心待仲

弟

凌雲

曲盡友愛晚年無子天道無知古今來

不止鄧伯道也女許字兒子

慮善

亦未婚而天

道光庚戌爲余攜妻子來杭今不相見又十三
年矣

傷心謝傅舊門庭卅載追隨等弟兄石氏幫牕看自滌

漢謠栗布忍相爭無兒豈必難防老有女還愁誤與兵

手挈妻孥四千里桃花春水若爲情

以上節鈔
越州丙集

懷古田舍詩節鈔卷之五終